

## KERATAN AKHBAR

TARIKH : 7 OKTOBER 2022

AKHBAR : KOSMO

MUKA SURAT : 18

### Generasi baharu Felda dapat rumah sendiri

## Generasi baharu Felda dapat rumah sendiri

**JEMPOL** – Kerajaan Negeri Sembilan melancarkan projek rintis pembangunan rumah untuk generasi baharu Felda dalam bentuk pemberian tapak rumah di Tapak Lot Harapan Felda Palong 12, di sini semalam.

Menteri Besar Negeri Sembilan, Datuk Seri Aminuddin Harun berkata, projek itu memabitkan fasa pertama tanah seluas 5.6 hektar di Felda Palong 12 yang akan dipecahkan kepada 100 lot.

Menurutnya, sekiranya fasa pertama berjalan dengan lancar, kerajaan negeri akan memperluaskan projek tersebut di felda lain dalam usaha menyelesaikan masalah rumah bagi generasi Felda.

"Kadar premium tanah sedang diselaraskan dan akan dimaklumkan dalam sedikit masa lagi setelah dimuktamadkan. Keutamaan akan berikan kepada generasi baharu yang tinggal di sekitar tanah ranca-

ngan, berkeluarga dan belum lagi memiliki rumah pertama," katanya.

Beliau berkata demikian sempena Majlis Pecah Tanah Lot Kediaman Harapan Generasi Baru Felda Palong 12 Fasa 1 di Felda Palong 12, di sini.

Dalam pada itu, Aminuddin berkata, kesemua 36 buah tanah rancangan Felda khususnya di Jempol mempunyai situasi rumah tanpa geran dan tidak terancang.

"Ada yang memacak tiang membina sendiri rumah di sebelah atau di belakang rumah ibu bapa. Ada juga anak-anak generasi baharu ini menaikkan atap, mengikat batu, melep simen di tanah-tanah kosong kerajaan di dalam satu-satu peempatan Felda," katanya.

Menurutnya, pendekatan ini dilaksanakan supaya tanah yang berpotensi itu dapat dimanfaatkan mengikut keperluan penduduk setempat.



**AMINUDDIN** menyempurnakan simbolik sempena Majlis Pecah Tanah Lot Kediaman Harapan Generasi Baru Felda Palong 12 Fasa 1 di Felda Palong 12, di sini semalam. – NOR AINNA HAMZAH